

**BOORN**

Boorn, o Boorn wat is ter an de haand?  
 Wat maak iej oons mooie dorp te schaand!  
 Iej doot zo völle kats verkeerd  
 heb iej dan deur de joaren nooit e leerd?

Vrogger gung t good, röstig en recht,  
 nog geet t al meer slechter en slecht.  
 Ach Boorn, noa boetn stoa'j geern good bekeand,  
 ai'j t met oew eag'n volk ok zo good meant...

Wat heur ik now oawer oons greune hart?  
 Höw eij ter oet - das slim apart.  
 Dee beum bie j t oold gemeentehoes  
 dee stunn good - dee heurn doar thoes!

Wördt ze now kapt, mut ze van de been  
 um te wiekn veur nen hoop kale steen?  
 o Boorn van now, wat doo'j mij zeer.  
 A'k t good bekiek dan is ter vö l meer.

t Betaald perkeern net as in de grote stad,  
 e kostn oons dorp n doezend of wat.  
 D'r wör oawer proat - wiet en ziet in t roond,  
 men nam t nich - t spil kwam nich van de grond.

O Boorn van now - wat doo'j mij zeer!  
 Hoal iej now op, of doo'j nog meer?

Achter d'oale villa Elisabeth  
 hebt ze ok zoiets vrömds neer e zet.  
 Was t keunst of was t kits - mij umsgeliek.  
 Mear Boorn har keunst en veuln zich riek.

D'r is oawer schreevn d'r is oawer proat  
 binn en boetn oonze gemeenteroad.  
 t Spil is verwiederd - n hof wördt renoveerd.  
 k Hoppe mien Boorn da'j der van hebt e leerd.

Iej mut leern luustern - wikkn en weagn.  
 Doar hef t mij duch nog wal s an e leagn.

Now rommelt t ok bie j oons bejoardenhoes.  
 Wat der is gebeurd dat vertelt ow gin moes,  
 iej mut der oawer zwiegn - wordt d'ooldn e leerd,  
 mear is dat good? Mij duch t is verkeerd!

Eerlik proatn - luustern noa mekaar,  
 is dat zo meuilijk - is dat zo raar?  
 Alns eerlik bekiekn - gin deurdrieveriej,  
 iej maakt oewzölf en de boornsen nich bliej.

Boorn 'k weanske oew wiesheid en 'n helder verstaand  
 dan geet t veul better, iej hoolt t in de hand.  
 'k Hoppe da'j van dit alns good hebt e leerd.  
 Boorn iej bint mij leef en zovö l leerd.

C. ter Hennepe - Lammers

